



B I L T E N

BROJ 14

Sarajevo, 9.05.2026. - 22.05.2026.

ZAPISNIK

Sa redovne sjednice Disciplinskog sudije Fudbalskog Saveza Kantona Sarajevo održane dana 22.05.2026. godine, na kojoj su rješavani predmeti FSKS sezona 2025/2026 te na kojoj su u skladu sa članom 103. Disciplinskog pravilnika NS/FS BiH donesene odluke kako slijedi:

ODLUKA 1

ŠPILJA ERMIN (861518), igrač FK ACADEMICA, kažnjava se ZABRANOM IGRANJA 1 (JEDNE) PRVENSTVENE UTAKMICE, zbog prekršaja iz člana 47. Disciplinskog pravilnika NS/FS BiH počinjenog na utakmici 9. kola Kantonalne liga Kantona Sarajevo (seniori) – grupa „B“ sezona 2025/2026, odigranoj dana 17.05.2026. godine između FK MLADOST – FK ACADEMICA. Kazna počinje teći od 22.05.2026. godine.

POUKA O PRAVNOM LIJEKU: Protiv ove Odluke može se uložiti žalba Apelacionoj komisiji FSKS, u roku od 8 (osam) dana od dana prijema Odluke, putem ove komisije, uz dokaz o uplaćenju propisanoj taksi.

ODLUKA 2

ARIFOVIĆ ISSA (351215), igrač FK SARAJEVO, kažnjava se ZABRANOM IGRANJA 2 (DVIJE) PRVENSTVENE UTAKMICE, zbog prekršaja iz člana 47. Disciplinskog pravilnika NS/FS BiH počinjenog na utakmici 20. kola Kantonalne omladinske lige – Pretpioniri – grupa „A“, sezona 2025/2026, odigranoj dana 21.05.2026. godine između FK SARAJEVO – FK IGMAN. Kazna počinje teći od 22.05.2026. godine.

POUKA O PRAVNOM LIJEKU: Protiv ove Odluke može se uložiti žalba Apelacionoj komisiji FSKS, u roku od 8 (osam) dana od dana prijema Odluke, putem ove komisije, uz dokaz o uplaćenju propisanoj taksi.

ODLUKA 3

ČORBO NERMIN (129496), trener kluba FK MLADOST, kažnjava se ZABRANOM VRŠENJA FUNKCIJE 3 (TRI) PRVENSTVENE UTAKMICE I NOVČANOM KAZNOM U IZNOSU OD 100,00 KM, zbog prekršaja iz člana 47. Disciplinskog pravilnika NS/FS BiH počinjenog na utakmici 9. kola Kantonalne lige Kantona Sarajevo (seniori) grupa „B“, sezona 2025/2026, odigranoj dana 17.05.2026. godine između FK MLADOST – FK ACADEMICA. Kazna počinje teći od 22.05.2026. godine.

POUKA O PRAVNOM LIJEKU: Protiv ove Odluke može se uložiti žalba Apelacionoj komisiji FSKS, u roku od 8 (osam) dana od dana prijema Odluke, putem ove komisije, uz dokaz o uplaćenju propisanoj taksi.

ODLUKA 4

EĆO IMRAN (347133), igrač FK IGMAN, kažnjava se ZABRANOM IGRANJA od 6 (ŠEST) MJESECI, zbog prekršaja iz člana 52. stav (1) u vezi sa stavom (3) Disciplinskog pravilnika NS/FS BiH (fizički napad igrača na službeno lice utakmice), počinjenog na utakmici 19. kola Kantonalne omladinske lige – Pioniri – grupa „A“, sezona 2025/2026, odigranoj dana 16.05.2026. godine između ekipa FK IGMAN – FK ŽELJEZNIČAR. Kazna počinje teći od 22.05.2026. godine.

Obrazloženje

Na osnovu službenog zapisnika utakmice, dopunskog izvještaja sudija i ostalih službenih lica utakmice, nesporno je utvrđeno da je prijavljeni igrač nakon isključenja upućivao glavnom sudiji psovke i uvrede na ličnoj i porodičnoj osnovi, uz vidno agresivno i prijeteće ponašanje.

Nadalje, utvrđeno je da je prijavljeni igrač nakon verbalnog sukoba pokušao ostvariti fizički kontakt sa glavnim sudijom zatvorenim dijelom šake, pri čemu do fizičkog napada nije došlo isključivo zahvaljujući reakciji drugog sudije i prisutnog osoblja kluba domaćina, koji su spriječili dalju eskalaciju incidenta.

Disciplinski sudija smatra da opisano ponašanje predstavlja pokušaj fizičkog napada na službeno lice utakmice iz člana 52. stav (1) i stav (3) Disciplinskog pravilnika NS/FS BiH, budući da za postojanje disciplinskog prekršaja nije neophodno da fizički kontakt bude ostvaren, već je dovoljan i pokušaj fizičkog napada.

Prilikom odmjeravanja disciplinske sankcije, Disciplinski sudija cijenio je težinu i karakter počinjenog prekršaja, naročito činjenicu da je agresivno ponašanje bilo usmjereno prema službenom licu utakmice, čime je ozbiljno narušen integritet i autoritet službenih lica utakmice i takmičenja u cjelini. Kao olakšavajuće okolnosti uzeta je u obzir činjenica da prijavljeni igrač do sada nije disciplinski kažnjavao, kao i da se radi o mladom igraču pionirske kategorije, zbog čega je izrečena kazna u propisanom minimumu za ovu vrstu prekršaja, odnosno zabrana igranja u trajanju od šest (6) mjeseci.

POUKA O PRAVNOM LIJEKU: Protiv ove Odluke može se uložiti žalba Apelacionoj komisiji FSKS, u roku od 8 (osam) dana od dana prijema Odluke, putem ove komisije, uz dokaz o uplaćenju propisanoj taksi.

Disciplinski sudija FS KS
Lejla Hamza – Salihović

Broj: 544/26

Sarajevo, 20.05.2026. godine

Na osnovu člana 67. stav 1. Disciplinskog pravilnika NS/FS BiH, a u vezi sa članom 13. i članom 20. Propozicija takmičenja Kantonalne lige Kantona Sarajevo – takmičarska sezona 2025/2026, te Odluke Komesara za takmičenje Kantonalne lige Kantona Sarajevo broj: 401/26 od 07.04.2026. godine, Disciplinska komisija Fudbalskog saveza Kantona Sarajevo, na sjednici održanoj dana 20.05.2026. godine, donijela je sljedeću

O D L U K U

1. FK „MLADOST“ oglašava se odgovornim jer kao domaćin nije izvršio zakazivanje utakmice 2. kola Kantonalne lige Kantona Sarajevo između FK „Mladost“ – FK „Hrid“, čime je počinio prekršaj iz člana 67. stav 1. Disciplinskog pravilnika NS/FS BiH.
2. Zbog neopravdanog neodigravanja utakmice stalnog takmičenja FK „Mladost“ izriče se disciplinska sankcija **oduzimanja 3 (tri) boda**.

O b r a z l o ž e n j e

Disciplinska komisija Fudbalskog saveza Kantona Sarajevo zaprimila je prijavu Komesara za takmičenje Kantonalne lige Kantona Sarajevo podnesenu na osnovu Odluke broj: 401/26 od 07.04.2026. godine, kojom je utakmica 2. kola Kantonalne lige Kantona Sarajevo između FK „Mladost“ – FK „Hrid“ registrovana službenim rezultatom 3:0 u korist ekipe FK „Hrid“, zbog odgovornosti FK „Mladost“ za neodigravanje utakmice.

Iz dostavljene dokumentacije i odluke Komesara za takmičenje nesporno proizilazi da FK „Mladost“, kao klub domaćin, nije izvršio zakazivanje predmetne utakmice u rokovima propisanim članom 13. Propozicija takmičenja Kantonalne lige Kantona Sarajevo, odnosno nije blagovremeno obavijestio Savez i protivnički klub o mjestu, terminu i satnici odigravanja utakmice, čime je propustio izvršiti obaveze organizatora utakmice i onemogućio odigravanje iste. Također je utvrđeno da je utakmica prethodno pravosnažno registrovana službenim rezultatom 3:0 u korist FK „Hrid“, te da protiv navedene odluke Komesara za takmičenje nije izjavljena žalba.

Disciplinska komisija je pozvala FK „Mladost“ da dostavi pisano izjašnjenje na navode disciplinske prijave. Klub je dana 20.05.2026. godine dostavio svoje izjašnjenje.

Disciplinska komisija na sjednici održanoj dana 20.05.2026. godine, nesporno je utvrdila da zbog činjenice da FK „Mladost“ nije postupio u skladu sa članom 13. Propozicija takmičenja Kantonalne lige Kantona Sarajevo – takmičarska sezona 2025/2026, utakmica 2. kola Kantonalne lige Kantona Sarajevo između FK „Mladost“ – FK „Hrid“ nije odigrana, što klub u svom izjašnjenju ne spori. Imenovani klub, između ostalog, navodi da je razlog tome nedostavljanje Propozicija takmičenja, kao i da mu je onemogućeno da odigra domaće utakmice na stadionu „Bosanskih šehida“ u Župči.

Disciplinska komisija FSKS je utvrdila da su irelevantni navodi iz izjašnjenja FK „Mladost“ da utakmica 2. kola Kantonalne lige Kantona Sarajevo između FK „Mladost“ – FK „Hrid“ nije mogla biti zakazana jer klubu nisu uručene Propozicije takmičenja, budući da su naredne tri domaće utakmice imenovanog kluba najavljivane i uredno odigravane u skladu sa Propozicijama takmičenja, a što je u cjelosti kontradiktorno navodima kluba iz izjašnjenja.

Disciplinska komisija je nadalje utvrdila da je FK „Mladost“ Upozorenjem Izvršnog odbora FSKS broj: 85/26 od dana 26.01.2026. godine pozvan da, između ostalog, dostavi pisanu izjavu o mjestu odigravanja svojih domaćih utakmica u predstojećem takmičarskom periodu, a u skladu sa članom 12. stav 2. tačka b) Statuta FSKS. Odgovorom kluba na upozorenje broj: 6/26 od 04.02.2026. godine, FK „Mladost“ se obavezao da će svoje domaće utakmice igrati na stadionu koji se nalazi na teritoriji Kantona Sarajevo, a kako je to predviđeno prednje navedenim članom Statuta FSKS. Uvidom u Comet informacijski sistem nesporno je utvrđeno da je FK „Mladost“ naredne tri domaće utakmice, nakon neodigrane utakmice 2. kola Kantonalne lige Kantona Sarajevo između FK „Mladost“ – FK „Hrid“, zaista odigrao na stadionima koji se nalaze na teritoriji Kantona Sarajevo, čime su navodi kluba da prednje navedenu utakmicu nije mogao odigrati zbog odluke Izvršnog odbora FSKS kojim mu je onemogućeno odigravanje utakmice na stadionu u Župči ocijenjeni kao neosnovani, budući da se vlastitom izjavom iz prednje navedenog Odgovora na upozorenje broj: 6/26 od 04.02.2026. godine klub obavezao utakmice odigravati na stadionima na teritoriji Kantona Sarajevo.

Svi ostali navodi iz izjašnjenja FK „Mladost“ su ocijenjeni irelevantnim za postupak koji se vodi pred ovom Komisijom. Ovi navodi su eventualno mogli biti relevantni u žalbenom postupku protiv Odluke Komesara za takmičenje po žalbi kluba, a budući da je klub propustio uložiti žalbu, odluka Komesara za takmičenje postala pravosnažna te predstavlja osnov za postupanje ove Komisije. Kako se radi o odluci donesenoj u potpuno odvojenom postupku koji je okončan, a koji prethodi disciplinskom postupku, to implicira da predmetna odluka ni na koji način ne može biti preispitivana u disciplinskom postupku od strane Disciplinske komisije.

Imajući u vidu sve izvedene dokaze, pravosnažnu odluku Komesara za takmičenje, činjenicu da klub nije pružio dokaze o postojanju opravdanih razloga za neodigravanje utakmice, kao i težinu i posljedice počinjenog prekršaja po regularnost i nesmetano odvijanje takmičenja, Disciplinska komisija je utvrdila odgovornost FK „Mladost“ i primjenom člana 67. stav 1. Disciplinskog pravilnika NS/FS BiH izrekla disciplinsku sankciju oduzimanja 3 (tri) boda, kao minimalnu sankciju propisanu navedenom odredbom.

Pouka o pravnom lijeku: Protiv ove odluke može se izjaviti žalba Apelacionoj komisiji Fudbalskog saveza Kantona Sarajevo zaključno sa danom 25.05.2026. godine, uz dokaz o uplati propisane takse u iznosu od 300,00 KM, putem email adrese: info@fsks.ba, počev od dana saopštavanja ove Odluke putem elektronske pošte.

Potpredsjedavajuća
Disciplinske komisije FSKS
Džana Hasanagić, dipl.pr.

Broj: 547/26

Sarajevo, 20.05.2026. godine

Na osnovu člana 67. stav 1. Disciplinskog pravilnika NS/FS BiH, člana 13. i člana 20. Propozicija takmičenja Kantonalne lige Kantona Sarajevo – takmičarska sezona 2025/2026, te Odluke Komesara za takmičenje Kantonalne lige Kantona Sarajevo od 06.04.2026. godine, Disciplinska komisija Fudbalskog saveza Kantona Sarajevo, na sjednici održanoj dana 20.05.2026. godine, donijela je sljedeću

O D L U K U

1. OFK „OLIMPIK NOVI GRAD“ oglašava se odgovornim jer kao domaćin nije organizovao utakmicu 1. kola Kantonalne lige Kantona Sarajevo između OFK „Olimpik Novi Grad“ – FK „Mladost“, čime je onemogućio odigravanje utakmice stalnog takmičenja.
2. Zbog neopravdanog neodigravanja utakmice stalnog takmičenja OFK „OLIMPIK NOVI GRAD“ izriče se disciplinska sankcija oduzimanja **3 (tri) boda**.

O b r a z l o ž e n j e

Disciplinska komisija Fudbalskog saveza Kantona Sarajevo zaprimila je prijavu Komesara za takmičenje Kantonalne lige Kantona Sarajevo podnesenu na osnovu Odluke broj: 404-2/26 od 06.04.2026. godine, kojom je utakmica 1. kola Kantonalne lige Kantona Sarajevo između OFK „Olimpik Novi Grad“ – FK „Mladost“ registrovana službenim rezultatom 3:0 u korist ekipe FK „Mladost“, zbog odgovornosti OFK „Olimpik Novi Grad“ za neodigravanje utakmice.

Iz dostavljene dokumentacije i odluke Komesara za takmičenje nesporno proizlazi da je OFK „Olimpik Novi Grad“, kao klub domaćin, nakon izvršene najave utakmice istu otkazao, čime je propustio izvršiti obaveze organizatora utakmice i onemogućio odigravanje utakmice stalnog takmičenja.

Također je utvrđeno da je utakmica prethodno pravosnažno registrovana službenim rezultatom 3:0 u korist FK „Mladost“, te da protiv navedene odluke Komesara za takmičenje nije izjavljena žalba.

Disciplinska komisija je pozvala OFK „Olimpik Novi Grad“ da dostavi pisano izjašnjenje na navode disciplinske prijave. Klub se nije očitovao u ostavljenom roku.

Članom 20. Propozicija takmičenja Kantonalne lige Kantona Sarajevo propisano je da ekipa koja neopravdano ne odigra utakmicu gubi istu službenim rezultatom 3:0 uz disciplinske sankcije.

Nadalje, članom 67. stav 1. Disciplinskog pravilnika NS/FS BiH propisano je da će se klub čiji tim neopravdano ne nastupi na prvenstvenoj utakmici kazniti oduzimanjem od 3 do 12 bodova.

Imajući u vidu sve izvedene dokaze, pravosnažnu odluku Komesara za takmičenje, činjenicu da klub nije pružio dokaze o postojanju opravdanih razloga za neodigravanje utakmice, kao i težinu i posljedice počinjenog prekršaja po regularnost i nesmetano odvijanje takmičenja, Disciplinska

komisija je utvrdila odgovornost OFK „Olimpik Novi Grad“ i primjenom člana 67. stav 1. Disciplinskog pravilnika NS/FS BiH izrekla disciplinsku sankciju oduzimanja 3 (tri) boda, kao minimalnu sankciju propisanu navedenom odredbom.

Pouka o pravnom lijeku: Protiv ove odluke može se izjaviti žalba Apelacionoj komisiji Fudbalskog saveza Kantona Sarajevo zaključno sa danom 25.05.2026. godine, uz dokaz o uplati propisane takse u iznosu od 300,00 KM, putem email adrese: info@fsks.ba, počev od dana saopštavanja ove Odluke putem elektronske pošte.

Potpredsjedavajuća
Disciplinske komisije FSKS
Džana Hasanagić, dipl.pr.

Broj: 545/26

Sarajevo, 20.05.2026. godine

Na osnovu člana 67. stav 1. Disciplinskog pravilnika NS/FS BiH, člana 13. i člana 20. Propozicija takmičenja Kantonalne lige Kantona Sarajevo – takmičarska sezona 2025/2026, te Odluke Komesara za takmičenje Kantonalne lige Kantona Sarajevo broj: 399/26 od 07.04.2026. godine, Disciplinska komisija Fudbalskog saveza Kantona Sarajevo, na sjednici održanoj dana 20.05.2026. godine, donijela je sljedeću

O D L U K U

1. NK „POFALIĆKI“ oglašava se odgovornim jer kao domaćin nije izvršio zakazivanje utakmice 2. kola Kantonalne lige Kantona Sarajevo između NK „Pofalički“ – FK „El Tarik“, čime je počinio prekršaj iz člana 67. stav 1. Disciplinskog pravilnika NS/FS BiH.
2. Zbog neopravdanog neodigravanja utakmice stalnog takmičenja NK „POFALIĆKI“ izriče se disciplinska sankcija **oduzimanja 3 (tri) boda.**

O b r a z l o ž e n j e

Disciplinska komisija Fudbalskog saveza Kantona Sarajevo zaprimila je prijavu Komesara za takmičenje Kantonalne lige Kantona Sarajevo podnesenu na osnovu Odluke broj: 399/26 od 07.04.2026. godine, kojom je utakmica 2. kola Kantonalne lige Kantona Sarajevo između NK „Pofalički“ – FK „El Tarik“ registrovana službenim rezultatom 3:0 u korist ekipe FK „El Tarik“, zbog odgovornosti NK „Pofalički“ za neodigravanje utakmice.

Iz dostavljene dokumentacije i odluke Komesara za takmičenje nesporno proizlazi da NK „Pofalički“, kao klub domaćin, nije izvršio zakazivanje predmetne utakmice u rokovima propisanim članom 13. Propozicija takmičenja Kantonalne lige Kantona Sarajevo, odnosno nije blagovremeno obavijestio Savez i protivnički klub o mjestu, terminu i satnici odigravanja utakmice, kao ni o boji dresova i rezervnoj boji, čime je propustio izvršiti obaveze organizatora utakmice i onemogućio odigravanje iste.

Također je utvrđeno da je utakmica prethodno pravosnažno registrovana službenim rezultatom 3:0 u korist FK „El Tarik“, te da protiv navedene odluke Komesara za takmičenje nije izjavljena žalba.

Disciplinska komisija je pozvala NK „Pofalički“ da dostavi pisano izjašnjenje na navode disciplinske prijave. Klub se nije očitovao u ostavljenom roku.

Članom 13. Propozicija takmičenja Kantonalne lige Kantona Sarajevo propisana je obaveza domaćina da izvrši zakazivanje utakmice u propisanom roku, dok je članom 20. Propozicija propisano da ekipa koja neopravdano ne odigra utakmicu gubi istu službenim rezultatom 3:0 uz disciplinske sankcije.

Nadalje, članom 67. stav 1. Disciplinskog pravilnika NS/FS BiH propisano je da će se klub čiji tim neopravdano ne nastupi na prvenstvenoj utakmici kazniti oduzimanjem od 3 do 12 bodova.

Imajući u vidu sve izvedene dokaze, pravosnažnu odluku Komesara za takmičenje, činjenicu da klub nije pružio dokaze o postojanju opravdanih razloga za neodigravanje utakmice, kao i težinu i posljedice počinjenog prekršaja po regularnost i nesmetano odvijanje takmičenja, Disciplinska komisija je utvrdila odgovornost NK „Pofalički“ i primjenom člana 67. stav 1. Disciplinskog pravilnika NS/FS BiH izrekla disciplinsku sankciju oduzimanja 3 (tri) boda, kao minimalnu sankciju propisanu navedenom odredbom.

Pouka o pravnom lijeku: Protiv ove odluke može se izjaviti žalba Apelacionoj komisiji Fudbalskog saveza Kantona Sarajevo zaključno sa danom 25.05.2026. godine, uz dokaz o uplati propisane takse u iznosu od 300,00 KM, putem email adrese: info@fsks.ba, počev od dana saopštavanja ove Odluke putem elektronske pošte.

Potpredsjedavajuća
Disciplinske komisije FSKS
Džana Hasanagić

Na osnovu člana 67. stav 1. Disciplinskog pravilnika NS/FS BiH, člana 13. i člana 20. Propozicija takmičenja Kantonalne lige Kantona Sarajevo – takmičarska sezona 2025/2026, te Odluke Komesara za takmičenje Kantonalne lige Kantona Sarajevo od 06.04.2026. godine, Disciplinska komisija Fudbalskog saveza Kantona Sarajevo, na sjednici održanoj dana 20.05.2026. godine, donijela je sljedeću

O D L U K U

1. FK „ACADEMICA“ oglašava se odgovornim jer kao domaćin nije izvršio zakazivanje utakmice 1. kola Kantonalne lige Kantona Sarajevo između FC „Academica“ – FK „Igman“, čime je počinio prekršaj iz člana 67. stav 1. Disciplinskog pravilnika NS/FS BiH.
2. Zbog neopravdanog neodigravanja utakmice stalnog takmičenja FK „ACADEMICA“ izriče se disciplinska sankcija **oduzimanja 3 (tri) boda**.

O b r a z l o ž e n j e

Disciplinska komisija Fudbalskog saveza Kantona Sarajevo zaprimila je prijavu Komesara za takmičenje Kantonalne lige Kantona Sarajevo podnesenu na osnovu Odluke broj: 404-3/26 od 06.04.2026. godine, kojom je utakmica 1. kola Kantonalne lige Kantona Sarajevo između FK „Academica“ – FK „Igman“ registrovana službenim rezultatom 3:0 u korist ekipe FK „Igman“, zbog odgovornosti FK „Academica“ za neodigravanje utakmice.

Iz dostavljene dokumentacije i odluke Komesara za takmičenje nesporno proizlazi da FK „Academica“, kao klub domaćin, nije izvršio zakazivanje predmetne utakmice u rokovima propisanim članom 13. Propozicija takmičenja Kantonalne lige Kantona Sarajevo, odnosno nije blagovremeno obavijestio Savez i protivnički klub o mjestu, terminu i satnici odigravanja utakmice, kao ni o boji dresova i rezervnoj boji, čime je propustio izvršiti obaveze organizatora utakmice i onemogućio odigravanje iste.

Također je utvrđeno da je utakmica prethodno pravosnažno registrovana službenim rezultatom 3:0 u korist FK „Igman“, te da protiv navedene odluke Komesara za takmičenje nije izjavljena žalba.

Disciplinska komisija je pozvala FK „Academica“ da dostavi pisano izjašnjenje na navode disciplinske prijave. Klub se nije očitovao u ostavljenom roku.

Članom 13. Propozicija takmičenja Kantonalne lige Kantona Sarajevo propisana je obaveza domaćina da izvrši zakazivanje utakmice u propisanom roku, dok je članom 20. Propozicija propisano da ekipa koja neopravdano ne odigra utakmicu gubi istu službenim rezultatom 3:0 uz disciplinske sankcije.

Nadalje, članom 67. stav 1. Disciplinskog pravilnika NS/FS BiH propisano je da će se klub čiji tim neopravdano ne nastupi na prvenstvenoj utakmici kazniti oduzimanjem od 3 do 12 bodova.

Imajući u vidu sve izvedene dokaze, pravosnažnu odluku Komesara za takmičenje, činjenicu da klub nije pružio dokaze o postojanju opravdanih razloga za neodigravanje utakmice, kao i težinu i posljedice počinjenog prekršaja po regularnost i nesmetano odvijanje takmičenja, Disciplinska komisija je utvrdila odgovornost FK „Academica“ i primjenom člana 67. stav 1. Disciplinskog

pravilnika NS/FS BiH izrekla disciplinsku sankciju oduzimanja 3 (tri) boda, kao minimalnu sankciju propisanu navedenom odredbom.

Pouka o pravnom lijeku: Protiv ove odluke može se izjaviti žalba Apelacionoj komisiji Fudbalskog saveza Kantona Sarajevo zaključno sa danom 25.05.2026. godine, uz dokaz o uplati propisane takse u iznosu od 300,00 KM, putem email adrese: info@fsks.ba, počev od dana saopštavanja ove Odluke putem elektronske pošte.

Potpredsjedavajuća
Disciplinske komisije FSKS
Džana Hasanagić, dipl.pr.

Broj: 549/26

Sarajevo, 20.05.2026. godine

Na osnovu člana 103., člana 108., člana 117. i člana 122. Disciplinskog pravilnika NS/FS BiH, člana 20. Propozicija takmičenja Kantonalne lige Kantona Sarajevo – takmičarska sezona 2025/2026, te Odluke Komesara za takmičenje Kantonalne lige Kantona Sarajevo broj: 421/26 od 10.04.2026. godine, Disciplinska komisija Fudbalskog saveza Kantona Sarajevo, na sjednici održanoj dana 20.05.2026. godine, donijela je sljedeću

O D L U K U

1. FK „VRATNIK“ oglašava se odgovornim jer svojom krivicom nije odigrao dvije utakmice stalnog takmičenja Kantonalne lige Kantona Sarajevo (seniori) u takmičarskoj sezoni 2025/2026, i to:
 - utakmicu 1. kola između FK „Hrid“ – FK „Vratnik“, zakazanu za 29.03.2026. godine, na koju se FK „Vratnik“ nije pojavio kao gostujuća ekipa;
 - utakmicu 2. kola između FK „Vratnik“ – NK „Stup“, koja nije odigrana jer FK „Vratnik“, kao domaćin utakmice, nije izvršio zakazivanje utakmice u propisanom roku.
2. Zbog neopravdanog neodigravanja dvije utakmice stalnog takmičenja FK „Vratnik“ izriče se: **zabrana nastupa** u Kantonalnoj ligi Kantona Sarajevo (seniori) u takmičarskoj sezoni 2026/2027.

O b r a z l o ž e n j e

Disciplinska komisija Fudbalskog saveza Kantona Sarajevo zaprimila je prijavu Komesara za takmičenje Kantonalne lige Kantona Sarajevo podnesenu na osnovu Odluke broj: 421/26 od 10.04.2026. godine, kojom je utvrđeno da je FK „Vratnik“ svojom krivicom propustio odigrati dvije utakmice stalnog takmičenja u okviru Kantonalne lige Kantona Sarajevo – seniori, te da je usljed navedenog odustao od takmičenja i isključen iz daljeg takmičenja.

Iz dostavljene dokumentacije i odluka Komesara za takmičenje nesporno proizlazi da FK „Vratnik“ nije pristupio odigravanju utakmice 1. kola FK „Hrid“ – FK „Vratnik“, zakazane za 29.03.2026. godine, kao i da nije izvršio zakazivanje utakmice 2. kola FK „Vratnik“ – NK „Stup“ u rokovima propisanim Propozicijama takmičenja Kantonalne lige Kantona Sarajevo.

Također je utvrđeno da su obje utakmice prethodno registrovane službenim rezultatom 3:0 u korist protivničkih ekipa zbog odgovornosti FK „Vratnik“ za njihovo neodigravanje, te da protiv navedenih odluka nisu izjavljene žalbe, zbog čega su iste postale pravosnažne.

Disciplinska komisija je pozvala FK „Vratnik“ da dostavi pisano izjašnjenje na navode disciplinske prijave.

FK „Vratnik“ je dana 20.05.2026. godine dostavio pisano izjašnjenje u kojem osporava opravdanost organizacije proljetnog dijela takmičenja, način donošenja Propozicija takmičenja, kao i pojedine odluke organa Saveza, navodeći da zbog navedenih razloga nije nastupio u

predmetnim utakmicama. Međutim, Disciplinska komisija utvrđuje da navodi iz izjašnjenja nisu od uticaja na postojanje disciplinske odgovornosti kluba, imajući u vidu da eventualno neslaganje sa odlukama i sistemom takmičenja ne predstavlja opravdan razlog za neodigravanje utakmica u smislu člana 20. Propozicija takmičenja Kantonalne lige Kantona Sarajevo, niti oslobađa klub obaveze poštivanja važećih odluka i akata nadležnih organa FSKS. Također, klub u svom izjašnjenju nije dostavio niti jedan dokaz kojim bi opravdao neodigravanje predmetnih utakmica postojanjem više sile ili drugih objektivnih okolnosti koje bi isključivale njegovu odgovornost.

Članom 20. Propozicija takmičenja Kantonalne lige Kantona Sarajevo propisano je da ekipa koja neopravdano ne odigra utakmicu gubi istu službenim rezultatom 3:0 uz disciplinske sankcije, dok se ekipa koja dva puta neopravdano ne odigra utakmicu u toku prvenstva isključuje iz takmičenja uz zabranu nastupa u narednoj takmičarskoj sezoni.

Nadalje, članom 64. Pravilnika o nogometnim/fudbalskim takmičenjima NS/FS BiH propisano je da se smatra da je klub odustao od takmičenja ukoliko svojom krivicom nije odigrao dvije utakmice u toku takmičarske sezone.

Imajući u vidu sve izvedene dokaze, pravosnažne odluke Komesara za takmičenje, činjenicu da klub nije pružio dokaze o postojanju opravdanih razloga za neodigravanje utakmica, kao i težinu i posljedice počinjenog prekršaja po regularnost, kontinuitet i integritet takmičenja, naročito imajući u vidu da je klub svojom krivicom propustio odigrati dvije utakmice stalnog takmičenja, čime je doveo do poremećaja sistema takmičenja i onemogućio njegovo nesmetano odvijanje, Disciplinska komisija je utvrdila odgovornost FK „Vratnik“ i donijela odluku kao u dispozitivu.

Pouka o pravnom lijeku: Protiv ove odluke može se izjaviti žalba Apelacionoj komisiji Fudbalskog saveza Kantona Sarajevo zaključno sa danom 25.05.2026. godine, uz dokaz o uplati propisane takse u iznosu od 300,00 KM, putem email adrese: info@fsks.ba, počev od dana saopštavanja ove Odluke putem elektronske pošte.

Potpredsjedavajuća
Disciplinske komisije FSKS
Džana Hasanagić, dipl.pr.

Broj: 548/26

Sarajevo, 20.05.2026. godine

Na osnovu člana 103., člana 108., člana 117. i člana 122. Disciplinskog pravilnika NS/FS BiH, člana 20. Propozicija takmičenja Kantonalne lige Kantona Sarajevo – takmičarska sezona 2025/2026, te Odluke Komesara za takmičenje Kantonalne lige Kantona Sarajevo broj: 422/26 od 10.04.2026. godine, Disciplinska komisija Fudbalskog saveza Kantona Sarajevo, na sjednici održanoj dana 20.05.2026. godine, donijela je sljedeću

O D L U K U

1. FK „SAOBRAČAJAC“ oglašava se odgovornim jer svojom krivicom nije odigrao dvije utakmice stalnog takmičenja Kantonalne lige Kantona Sarajevo (seniori) u takmičarskoj sezoni 2025/2026, i to:
 - utakmicu 1. kola između FK „El Tarik“ – FK „Saobraćajac“, zakazanu za 28.03.2026. godine, na koju se FK „Saobraćajac“ nije pojavio kao gostujuća ekipa;
 - utakmicu 2. kola između FK „Saobraćajac“ – NK „Ozren“, koja nije odigrana jer FK „Saobraćajac“, kao domaćin utakmice, nije izvršio zakazivanje utakmice u propisanom roku.
2. Zbog neopravdanog neodigravanja dvije utakmice stalnog takmičenja FK „Saobraćajac“ izriče se: **zabrana nastupa** u Kantonalnoj ligi Kantona Sarajevo (seniori) u takmičarskoj sezoni 2026/2027.

O b r a z l o ž e n j e

Disciplinska komisija Fudbalskog saveza Kantona Sarajevo zaprimila je prijavu Komesara za takmičenje Kantonalne lige Kantona Sarajevo podnesenu na osnovu Odluke broj: 422/26 od 10.04.2026. godine, kojom je utvrđeno da je FK „Saobraćajac“ svojom krivicom propustio odigrati dvije utakmice stalnog takmičenja u okviru Kantonalne lige Kantona Sarajevo – seniori, te da je usljed navedenog odustao od takmičenja i isključen iz daljeg takmičenja.

Iz dostavljene dokumentacije i odluka Komesara za takmičenje nesporno proizlazi da FK „Saobraćajac“ nije pristupio odigravanju utakmice 1. kola FK „El Tarik“ – FK „Saobraćajac“, zakazane za 28.03.2026. godine, kao i da nije izvršio zakazivanje utakmice 2. kola FK „Saobraćajac“ – NK „Ozren“ u rokovima propisanim Propozicijama takmičenja Kantonalne lige Kantona Sarajevo.

Također je utvrđeno da su obje utakmice prethodno registrovane službenim rezultatom 3:0 u korist protivničkih ekipa zbog odgovornosti FK „Saobraćajac“ za njihovo neodigravanje, te da protiv navedenih odluka nisu izjavljene žalbe, zbog čega su iste postale pravosnažne.

Disciplinska komisija je pozvala FK „Saobraćajac“ da dostavi pisano izjašnjenje na navode disciplinske prijave. Klub je dana 20.05.2026. godine dostavio izjašnjenje u kojem navodi da nije odigrao dvije utakmice zbog neslaganja sa izmjenama propozicija takmičenja od strane FSKS, te ističe da je izmirio finansijske obaveze prema Savezu. Također, klub u svom izjašnjenju nije

dostavio niti jedan dokaz kojim bi opravdao neodigravanje predmetnih utakmica postojanjem više sile ili drugih objektivnih okolnosti koje bi isključivale njegovu odgovornost.

Disciplinska komisija je stava da navodi iz izjašnjenja ne predstavljaju opravdane razloge za neodigravanje utakmica stalnog takmičenja, imajući u vidu da su klubovi obavezni učestvovati u takmičenju i izvršavati obaveze propisane Propozicijama takmičenja i odlukama nadležnih organa Saveza.

Članom 20. Propozicija takmičenja Kantonalne lige Kantona Sarajevo propisano je da ekipa koja neopravdano ne odigra utakmicu gubi istu službenim rezultatom 3:0 uz disciplinske sankcije, dok se ekipa koja dva puta neopravdano ne odigra utakmicu u toku prvenstva isključuje iz takmičenja uz zabranu nastupa u narednoj takmičarskoj sezoni.

Nadalje, članom 64. Pravilnika o nogometnim/fudbalskim takmičenjima NS/FS BiH propisano je da se smatra da je klub odustao od takmičenja ukoliko svojom krivicom nije odigrao dvije utakmice u toku takmičarske sezone.

Imajući u vidu sve izvedene dokaze, pravosnažne odluke Komesara za takmičenje, sadržaj dostavljenog izjašnjenja, kao i činjenicu da klub nije pružio dokaze o postojanju opravdanih razloga za neodigravanje utakmica, Disciplinska komisija je utvrdila odgovornost FK „Saobraćajac“ i donijela odluku kao u dispozitivu.

Pouka o pravnom lijeku: Protiv ove odluke može se izjaviti žalba Apelacionoj komisiji Fudbalskog saveza Kantona Sarajevo zaključno sa danom 25.05.2026. godine, uz dokaz o uplati propisane takse u iznosu od 300,00 KM, putem email adrese: info@fsks.ba, počev od dana saopštavanja ove Odluke putem elektronske pošte.

Potpredsjedavajuća
Disciplinske komisije FSKS
Džana Hasanagić, dipl.pr.